

7. november

UKA2018/38

Inuit inigisaminniit anisitaasarunnaarnissaat siunertaralugu Naalakkersuisut periusissiamik UPA2019-imi saqqummiussassamik suliaqaqqullugit peqquneqarnissaat Inatsisartut aalajangiiffigisassaattut siunnersuut.

(Inatsisartunut ilaasorta q Aqqaluaq B. Egede, Inuit Ataqtigiit)

Inatsisartunut ilaasortap Aqqaluaq B. Egede Inuit Ataqtigiit Naalakkersuisut periusissiamik saqqummiussassamik suliaqaqqullugit siunnersuutaanut soqutiginartitatsinnut Siumumiik imaattumik oqaaseqassuugut.

Siumup pingaartutut isigaa innuttaasoq kinaluunniit akissaqartitsiffigisaminik, najoruminartumik kiisalu isumannaatsumik ineqarnissamat pisinnaatitaaffeqassasoq. Kialaamut iserfissaqarluni angerlarsimaffeqarneq nunami maani pingaaqaaq, taamaattumik ineqarneq illuuteqarnerlu pillugit inatsisitigut pitsanngorsaajuarnissat Siumumiit pingaaruteqartutut isumaqarfigaarput.

Siunnersuuteqartutulli isumaqarpungut ullumikkut periutsit atorlugit ilaqtariit akiliisinnaajunnaarsimatillugit anisitsinermi najorallagassaannut inissiivigineqartartut akuerineqarsinnaanngimmata, pingaartumik meerartaqarsimappata. Ajoraluartumillu anisitaasut meerartaqarsimatillugit "ulorianartorsiortutullu" isigineqarpata meerartaat allanut inissinneqarallartarput. Tassalu ilaqtariit avissaartuutsillugit. Allatut oqarneq ajornaqaaq, Ajoq!

Tassunga killittarneq assigiinngitsorpassuarnik pissuteqarsinnaasoq ilisimavarput. Ulluinnarni inuuniutissanut pingaarnersiuisariaqartarnerit ilisimavangut, akunnattunik isertitaqartartutut taasartakkagut minnerpaakkulluunniit pisortaniit tapiivigineqarneq ajortut ilungersungarlutik pisussaaffimminnik naammassiniaasarput. Ajoraluartumilli akiliutigisinnaasaraluaminnik allanut pingaarnertitaqartarnermut akiligassaminnik kinguaattoorpallaarlutik anisitaasarput.

Ajornerpaarli aamma ajoraluartumik aqqusaartagarput tassaavoq inunnguit tassunga killissimatillugit Kommuunit suleqatigalugit iliuusissamik pilersaarusoqatigereeraluarlugilluunniit A/S-Ini-mut allalluunniit attartortitsinernut aqutaannut akiitsutik akileeqqaartinnagit inissamat innersuunneqarsinnaajunnaqqasarmata. Amerlanerpaatigullu innersuunneqartarput aningaaserivimmum Kommuune-mulluunniit saaffiginninnissannut. Tassalu ilaqtariit ataasiakkaalluunniit "nukillaareeqqasut nukillaarsaneqaqqittarlutik".

Siumumiik taamatut oqaaseqarnerput ima isumaqartinneqassanngilaq akiliisannginneq illerso-ripput. Takutikkusupparpulli inigisamat akilersuisitseriaatsit ullumikkut atuuttut nalilersortariaqarlerigut.

Soqutigisorujussuuarput annerusumik paasisaqarfigissallugu Naalackersuisut 2017-mi Kommuune Kujalleq peqatigalugu aammalu INI A/S – p nammineq peqataaffigisaanik akiitsut pillugit sunnersuisooqatigiinnik pilersitsisimanerup sunniutai. Tusaamasagummi malillugit iluatsittumik ingerlarpalummat.

Inigisamiik anisitaasarnerup sutigut tamatigut pinngittoornissaa siunertaralugu suliassaqarpugut.

Taamaamat maani qaqinneqartartut aallaavigalugit Siumumiik iluaraarput Naalackersuisut 2016-mi Inatsisartut Ukiaanerani Ataatsimiinneranni immikkoortoq 60 aalajangiiffigisassatut siunnersuutaanikoq malitseqartitsilluni suliarineqarlersimanera oqaatigineqarmat.

Taamatut oqaaseqarluta siunnersuuteqartup qulequtsiussaa aallaaviagalugu Siumumiik itigartitsissutigaarput.

Jess Svane

SIUMUT